



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

XXXVII. Markgraf Woldemar überläßt der Stadt Prenzlau für
Kriegsschulden einen Antheil am Ukerwalde, am 2. März 1316.

Nutzungsbedingungen

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

XXXVI. Markgraf Woldemar verordnet, daß zu Prenzlau Schafe, welche die Bürger besitzen, außerhalb der Stadt zum Erbe, innerhalb der Stadt zum Radelehn gerechnet werden sollen, am 16. Februar 1315.

Ad memoriam rei geste sempiternam, Nos Woldemarus, dei gracia Brandenburgensis, Lusatie et de Landsberg Marchio, recognoscimus protestando, Quod nostri ciues ciuitatis Prymzlaw hoc jus pro certo et perpetuo habere debent, Quod oues, quas in villis et in rure extra ciuitatem habuerint, bonum hereditatis aut hereditas esse et debeat nuncupari, et oues, quas in ciuitate habuerint, Radelene hoc quod a vulgo nominatur: Dantes presentem in hujus euidentiam sigilli nostri forma communitam. Datum Primzlaw, Anno Domini M^o. CCC^o. XV^o. in Dominica Reminiscere.

Nach Beckmann's Abschrift des Originals.

XXXVII. Markgraf Woldemar überläßt der Stadt Prenzlau für Kriegsschulden einen Antheil am Uferwalde, am 2. März 1316.

Nouerint uniuersi, Quod nos Woldemarus, Dei gratia Brandenburgensis et Lusatie Marchio, Anno Domini Millefimo Tricentesimo Sextodecimo feria III. post Dominicam Inuocauit proxima, habita racione cum fidelibus nostris Ciuibus Consulibus ciuitatis premslaw presentibus nobilibus uiris Dominis Hermanno de Barboy, Gunthero Comite de Keuernberg, Henrico Decano Ecclesie Steindalienfis, Heinricho et Henningho de Stegelliz, Griefkone, Thiderico de Kerkow, Tzabello de Badello, Bernhardo de Holzendorp, nostris fidelibus militibus, et Conr. Papen aduocato omnibus siquidem hinc inde computatis mansimus predictis Consulibus et ciuibus In quadringentis et quinquaginta Talentis Brandenburgensium Denariorum obligati, uidelicet in Centum Talentis, que perdiderunt in equis in nostris feruitiis prope Woldeke habitis et in centum et quinquaginta Talentis eiusdem monete in equis, quos nobis acquiuerunt, et in ducentis Talentis In quitatione pignorum nostrorum stipendiariorum de Reno. Proinde ipsis assignauimus et per presentes literas assignamus Sexaginta jugera Lignorum in nostro vkerensi nemore pro eorum commodo bene mensurata, quolibet Jugere ad septem Talenta et Decem solidos computato, Gurgitibus et paludibus exclusis, si que sint in Jugeribus ipsis mensuratis, In quibus si defectum paciuntur alias ibidem in Nemore suppleri pro Eorum beneplacito vtique faciemus. Predicta quoque ligna secare debent a Dato presencium vel vendere per sex annos in antea continue computandos. Ad huiusmodi etiam ligna prenotati Ciues vnum tenere debent famulum, qui ea custodiat, Illumque tamquam nostrum proprium famulum ne ipsi Ciues in talibus lignis dampna capiant defendere volumus et tueri. Hec quoque ligna vbi terminantur signata debent esse nostris arboribus sectis, que scalbome dicuntur vulgariter, ita quod ipsorum ciuium ligna nostris arboribus sic notatis sint circumdata et distincta. Et si contingat, quod aliquis famulorum predictorum Ciuium Ex negligentia vel alio modo quocumque medio tempore

aliquam nostrarum arborum secuerit, Inde Ciues nullam penam penitus paciantur, sed pro tali facta vnam arborem De suis lignis equiualem pro nostris vibus stare permittent. Insuper ipsi Ciues in Eorum lignis impignorare possunt et eorum Custos sicut nos aut noster Custos in nostris Et Emendam pro modo Excessus in Eorum lignis faciendam Nos vna cum predictis Ciibus equanimiter forcemur. Et ne super hiis omnibus premillis alicui dubium suboriri in posterum possit, presentes literas desuper scribi iussimus et nostro sigillo communiri. Actum et Datum loco, Anno et Die predictis presentibus Testibus suprascriptis.

Nach Beckmann's Abschrift des Originals.

XXXVIII. Arnold von Kalen und seine Brüder vermachen dem Jungfern-Kloster zu Prenzlau
50 Pfund Brandenburgischer Pfennige unter Bestätigung des Bischofs Courad von Camin,
am 12. März 1316.

In nomine domini amen. Ab humana memoria facilius elabatur, quod nec viue uocis testimonio nec instrumentorum auctenticorum roboratur fulcimento. Hinc est, quod nos Lucia abbatissa, Margarita priorissa, Katherina cameraria, conegunt cellaria, totusque conuentus sanctimonialium in Prinzlavia presentibus ac posteris presencia uisuris, aut quomodolibet aliter percepturis, Tenore presentium uolumus esse notum. Quod cum viri venerabiles ac Christo Deo deuoti dominus arnoldi sacerdos, dictus de Kalen, ac Johannes frater eius dictus brabant cuius Printslawienfis, necnon Margarita uxor eius zelo dei ducti inopie nostre consulere satagentes ac anime sue saluti prouidere cupientes elemosine nomine, nobis quinquaginta talenta brandenburgensium denariorum erogarent, nos Deuocionibus eorundem vicissitudinem uolentes rependere salutarem, ipsis participacionem bonorum omnium, que per nos filius dei dignabitur operari, concedimus, tam in vita quam in morte. Hoc addentes, quod prima missa, perpetuis temporibus in ecclesia nostra celebranda pro salute utriusque hominis predictorum celebretur, ita dumtaxat, quod diebus dominicis de sancta trinitate, feriis sextis de sancta cruce, Sabbatis autem de uirgine gloriosa, ceteris uero diebus per ebdomadam pro defunctis et proxime pro progenitoribus predictorum, si fieri potest, missa cantetur uel legetur dominum arnoldum sacerdotem per predictum. Et quoniam habundans cautela non nocet, dominus arnoldus et Johannes predicti disensionem precauentes in antea oriture nobis consencientibus de predictis bonis mobilibus ac immobilibus decem talenta brandenburgensium Monete sibi poterunt reseruare nomine testamenti, pauperibus eroganda tempore mortis uel alias pro sue dispositione uoluntatis. Si uero dictum Johannem debitum uniuerse carnis, persoluere prius contingerit, dictus Dominus Arnoldus sacerdos ex vi presentis renunciacionis coram scabinis printslawensibus iam nunc facta tam in dictis quinquaginta talentis, quam in bonis aliis mobilibus ac immobilibus dicti Johannis fratris eius, nichil repeticionis, nichil accionis, nichil iuris cuiuscunque penitus obtinebit; in duobus autem talentis Monete brandenburgensium in festo Sancti martini singulis annis et in victualibus necessariis eidem domino arnoldo, quoad uixerit, erimus prouisura, quemadmodum preposito nostro, qui est aut secundum tempus erit.